



Universitätsbibliothek Paderborn

Sancta Communitas, In Paupertate religiosa inviolata

Wissingh, Anton

Coloniae Agrippinae, 1699

Cap. XI. De variis aliis motivis, ad vitæ communitatem religiosos
excitantibus.

[urn:nbn:de:hbz:466:1-49611](#)

cantur, cunctabundam videre est obedientiam; quia mox hæc cogitatio subditis subrepit: quid ibi potero lucrari? an ibi potero necessaria mihi conquirere? &c. Sicque perdunt & lucrum obedientiæ, & temporalis suppetentiæ. Nequit Superior à suis celerem exigere obedientiam, si substraxerit subditis necessariam corporis sufficientiam.

VIII. Organœdi vices suas deplorant: inallentes se artis esse expertes, eò quod clauistro & organo affixi, exire & sibi de necessariis pro libitu providere nequeant. Et hæc duplex miseria est in religionibus, in quibus ex communione non prævidetur singulis eagentibus.

CAPUT XI.

De variis aliis motivis, ad vitæ communitatem Religiosos excitantibus, &c.

I. PROvocant ad hoc laudabilia exempla aliorum Religiosorum, qui, cum prius essent cum suis privatis bursis contempti, ignobiles, & inglorii, nunc per assumptionem vitæ communis, & communis charitatis facti sunt honorati coram Angelis, & hominibus.

II. Objectiones frequentes audiunt tales Religiosi, vitæ communis & charitatis expertes, à Magnatibus, à viris honoratis, DD. Pastoribus, & aliis dicentibus: cur sic vivitis? cur non æquè ac alii Religiosi vivitis in communi? tunc enim libenter daremus vobis. &c.

III. Vix convinci potest, quod male faciat, qui audiosis adolescentibus, de religioso vitæ statu

eligendo deliberantibus dissuadet ingressum in
talem Religionem: hunc enim dissuadens, & cor-
pori, & animæ ejus consulit, qui sibi de peculio
providere nequit, & aliunde necessaria habere
non potest.

IV. Bonæ voluntatis homo nonnumquam
perdit eam in talibus Religionibus: qui, si fuisset
in alio Ordine, in quo vita communis & charitas
vigeret, cum Dei gratia in perfectā evasisset virum.
Hoc tentationis instrumento sæpè utitur diabo-
lus, ut absterreat ab ingressu, & retrahat ab in-
cepto proposito ad sacerdotalia desideria.

V. Parentes subinde absterrentur meritò, ne
ullam filio quotam paternæ hereditatis extra-
dant: videntes, quod filius curis sacerdotalibus in tali
Monasterio non exoneretur, sed magis gravetur,
si debeat in illa de necessariis sibi providere, qua-
cunque via potest.

VI. In Monasteriis, in quibus vigeret exacta com-
munitas, vigeret etiam observantia Regulæ, & con-
stitutionum; quæ languescit, ubi charitas in sup-
peditandis necessariis decrescit.

VII. Turpe est, si religiosus laudetur de copia
numinorum, quod corrogārit sibi magnam pecu-
niæ summam. Si laudant quidam mundani, at o-
mnes id meritò improbant timorati.

VIII. Pecunia à tali Religioso in malum suum
corrogata potest esse occasio, ut alii gaudeant de
morte ejus, videntes, ex relicta post mortem ejus
pecunia posse subveniri illi Monasterio multis de-
bitis gravato.

IX. Superiores sæpè non audent constituere
procu-

procuratores, & economos, dispensatores, aliosque officiales, propter justam diffidentiam de fidelitate subditorum. Et hoc grande malum est in Monasteriis, dum Superiorem & subditos ab invicem dividit diffidentia.

X. Murmura frequentia contra Quæstorem, Procuratorem, Coquum, Terminarium, &c. suscipio de infidelitate eorum, & eleemosynarum incongrua distributione, &c.

XI. Noxia consuetudo recipiendi, conservandi, illicite expendendi pecuniam, transit in quasi legem, ita, ut, si hanc Superior, pro officii sui exigentia, justè oppugnare, & eliminare intendat, & attenter, illico traducatur & impugnetur, quasi novitatum inventor, & rigidus exactior.

XII. Murmurant facile subditi contra Prælatorum dicentes; volunt nos Superiores in odiosis arctè constringere; at in favorabilibus non contendunt nobis patrocinari. Nobis odiosa onera imponunt, quæ digho naovere nolunt: legem posse nunt nobis, sibi exemptionem.

XIII. Dum habetur consilio ad populum, dum invisitur infirmus, sape non quæritur salus proximi, non honor Dei, sed meum, tuum, suum laetrum, &c. Ideoque ratio docet, necessitas clamat, experientia convincit, non posse vitam religiosam subsistere in desiderato vigore, si exulet vita communitas communisque charitas; quæ ubi est, Religiosi se addicunt spiritualibus exercitiis, saluti proximi invigilant, & propriæ: Deo, & Religioni fideliter deserviunt, semper id actitantes, propter quod divino se obsequio mancipârunt, facti

servi Christi, & non mammonæ : Thesaurum suum quærentes & reponentes in cælis, nec spem ponentes in transitoriis lucris. Sed

Q. An non sit difficilior, & molestius, vivere sic in communi, quam ex marsupio privato ita singulari. *R.* Nequaquam; immo multò facilius, & commodius, leviusque est, communia bona communiter communicare, ac communia onera communibus humeris portare: quod multipli ratione ostenditur. Nam I. secundū verbum veritatis, ubi duo, vel tres in nomine meo congregati sunt, in medio eorum sum, ut eis communiter & specialiter benedicam, assistam, ac in portando onere vires adjiciam. Ubi communitas arctior, ibi charitas amplior, quæ levius fert onera disperita per singulos. Ibi invicem juvant, supportant, communem egestatem communiter tolerant, necessitatem in virtutem pia arte commutantes. Proinde status eorum fit non miserior, sed felicior. II. Sancti Patroni, Ordinumque Fundatores amplius patrocinabuntur viventibus in communi; quia sic vivitur juxta Regulam, & piam Fundatorum mentem. III. Concordiā res parvæ crescunt: discordiā magnæ partæ dilabentur. Probat id experientia, quod, qui ante vix vitæ sufficientiam habebant, dum ex privatis bursis vivebant, iam omnibus in commune collatis, etiam abundant. De facto etiam patet liquidò, quod, si in Monasteriis tenuibus essent singula ritè dispensata, nullus in eo foret egens, nec superabundans. Hinc

IV. Non

IV. Non dicant Superiores, *non possumus* necessaria dare subditis (verius subinde dicerent, *non volumus*) ad conscientiarum ipsorum tribunal appello, quòd possent, si vellent; si omnia singuli in commune conferrent: mentitur iniquitas sibi, dum *volumus* vertunt in *non possumus*. Et ipsi convicti agnoscere debent, inordinatissimum esse, quòd ibi privati divitias quærant, ubi ex professionis titulo divitiæ ab aliis contemnuntur: & difficilius esse, dum singuli privatis curis gravantur; quas utique leviùs ferrent pro singulis unus aut alter, cum majori charitate, & abundantiore merito.

V. Facilius sentiunt onus Superiores, dum ex causa subditos excollocare oportet de uno Monasterio in aliud; quia necesse non erit, ut vel ipsi, vel subditi angantur de suppellectilibus suis de loco in locum transvehendis; nam, quod in uno loco relinquunt, in alio denuò inveniunt, mox prompti, & expediti, conformiter evangelico centurionis verbo: *Dico huic, vade, et vadit: veni, et venit &c.* Matth.8.9.

VI. Insuper privato cuique facilius, amabilius, honestius, acceptius, fructuosius erit, pro suis Confratribus, & pro communitate mendicare, quam pro seipso; titulus enim honestior, manusque benefactorum illico sentitur profusior, & promptior
&c.